

Akta Majlis Ugama Islam Dan Mahkamah Kadi Penggal 77 Semakan 1984

Bahagian X

Jenis-jenis Kesalahan Akta Majlis Ugama Islam Dan Mahkamah-Mahkamah Kadi Penggal 77.

BAB 171

Kesalahan: **Tidak menunaikan sembahyang Fardhu Juma'at**

Ceraian: Mana-mana lelaki yang 15 tahun atau lebih gagal untuk menghadiri sembahyang pada hari Jumaat disebuah masjid menurut syarat-syarat dari Bab 133 tertalkuk sebagaimana yang ditetapkan selepas ini, adalah melakukan suatu kesalahan. Dengan syarat bahawa tiada kesalahan boleh dilakukan oleh mana-mana orang demikian jika:-

- (a) Kehadiran dihalang oleh hujan
- (b) Tempat dia tinggal lebih daripada 3 batu dengan jalan yang paling dekat dari sebuah masjid atau,
- (c) Dia telah dibebaskan dari hadir ke masjid oleh pegawai masjid mukim dimana dia biasanya tinggal atau, dengan alas an-alasan sakit atau tidak berada ditempat dia biasanya tinggal.

Hukuman: Denda sebanyak \$100.00 atau kesalahan kedua sebanyak \$200.00 atau kesalahan ketiga atau kesalahan-kesalahan berikutnya denda sebanyak \$500.00

BAB 172

Kesalahan: **Minum minimum memabokakan**

Ceraian: Barangsiapa dalam mana-mana kedai atau tempat awam yang lain membeli atau menjual atau meminum sebarang minuman yang memabukan atau minuman lain yang ditegah oleh syarak adalah melakukan suatu kesalahan.

Hukuman: Denda sebanyak \$500.00 atau kesalahan kedua sebanyak \$750.00 atau kesalahan ketiga atau kesalahan berikutnya sebanyak \$1000.00

BAB 173

Kesalahan: **Makan/Minum/Merokok waktu siang hari pada bulan Ramadhan**

Ceraian: Barangsiapa selian daripada seseorang yang dikecualikan oleh hokum syarak, pada siang hari dalam bulan Ramadhan makna dihadapkan khalayak ramai atau menjual kepada seseorang yang beragama Islam untuk dimakan oleh mana-mana orang selain daripada orang yang dikecualikan sedemikian semasa waktu-waktu tersebut sebarang makanan, minuman atau tembakau adalah melakukan suatu kesalahan.

Hukuman: Denda sebanyak \$500.00 atau kesalahan kedua sebanyak \$750.00 atau kesalahan ketiga atau kesalahan berikutnya sebanyak \$1000.00

BAB 177

Kesalahan: **Berkhalwat**

Ceraian: (1) Mana-mana lelaki Islam yang didapati bersendirian dan berhampiran dengan mana-mana perempuan yang mendatangkan syak, sama ada atau tidak menganut Islam selain daripada isterinya, atau seorang perempuan yang

dengan sebab pertalian keluarga sedarah-sedaging, bersaudaraan atau keluarga angkat dia ditegah oleh hukum syarak untuk kahwin, adalah melakukan suatu kesalahan khalwat.

- (2) Mana-mana perempuan Islam yang bersubahat melakukan kesalahan yang boleh dihukum dibawah cerai (1) adalah melakukan suatu kesalahan.
- (3) Mana-mana perempuan Islam yang didapati bersendirian atau berhampiran yang mendatangkan syak dengan mana-mana lelaki yang tidak menganut agama Islam boleh dihukum dengan cara yang sama seolah-olah bagi suatu kesalahan daripada cerai (2).

Hukuman: Penjara satu bulan atau denda sebanyak \$1000.00 atau kesalahan kedua atau kesalahan berikutnya penjara 2 bulan atau denda sebanyak \$2000.00 Penjara 14 hari atau denda sebanyak \$500.00 atau kesalahan kedua atau kesalahan berikutnya penjara 1 bulan atau denda sebanyak \$1000.00

BAB 186

Kesalahan: **Ajaran sesat**

Ceraian: Barangsiapa yang mengajar atau menerangkan dihadapan awam sebarang ajaran atau melaksanakan sebarang upacara atau perbuatan yang berkaitan dengan agama Islam dengan sebarang cara yang bertentangan dengan hukum syarak adalah melakukan suatu kesalahan.

Hukuman: Penjara selama 3 bulan atau denda sebanyak \$2000.00

BAB 188

Kesalahan: **Kertas/buku/risalah yang bertentangan dengan Islam**

Ceraian: Barangsiapa yang mencetak, menyiarkan, menjual atau mengimport kedalam Negara Brunei Darussalam untuk jualan mana-mana buku atau dokumen yang memberi atau bertujuan untuk memberi pengajaran mengenai sebarang perkara tentang ajaran Islam atau hukum syarak atau adat Brunei adalah, jika buku atau dokumen demikian mengandungi sebarang perkara yang bertentangan dengan hukum syarak atau ajaran Islam atau mana-mana fatwa yang dikeluarkan secara tidak sah, adalah melakukan suatu kesalahan.

Hukuman: Penjara selama 6 bulan atau denda sebanyak \$4000.00 dan buku /dokumen-dokumen akan dirampas.

BAB 189

Kesalahan: **Menyalahgunakan ayat-ayat Al-Quran**

Ceraian: Barangsiapa dalam sebarang pertunjukan sandiwara atau dimana-mana tempat hiburan awam menggunakan mana-mana petikan dari Al-Quran atau sebarang perkataan yang mempunyai pengertian yang suci kepada orang-orang yang menganut agama Islam atau mengejek atau meniru dengan cara mengejek mana-mana perbuatan upacara yang berkaitan dengan agama Islam adalah melakukan suatu kesalahan.

Hukuman: Penjara selama satu bulan atau denda sebanyak \$8000.00.

BAB 191

Kesalahan: **Menghina Ugama Islam**

Ceraian: Barangsiapa dengan perkataan-perkataan yang dicakapkan atau bertulis atau dengan pernyataan zahir mengeji atau menghina atau cuba untuk mengeji atau menghina ugama Islam atau kaul-kaul daripada mana-mana mazhab atau pengajaran mana-mana guru ugama yang diberikuasa dengan sahnya atau mana-mana fatwa yang dikeluarkan dengan sah oleh mufti dibawah dibawah syarat-syarat dari akta ini adalah melakukan suatu kesalahan.

Hukuman: Penjara selama 6 bulan atau denda sebanyak \$4000.00.

BAB 193

Kesalahan: **Menehasut untuk meninggal seruan ugama**

Ceraian: Barangsiapa yang menghasut atau memujuk sesiapa saja yang beragama Islam untuk menahan daripada menghadiri mana-mana masjid atau daripada menghadiri pengajaran ugama Islam atau daripada membayar zakat atau fitrah atau daripada melakukan atau membayar apa saja yang dia bertanggungjawab untuk melakukan atau membayar dibawah akta ini adalah melakukan suatu kesalahan.

Hukuman: Penjara selama 6 bulan atau denda sebanyak \$4000.00.

BAB 194

Kesalahan: **Cuba Bersubahat**

Ceraian: Barangsiapa mencuba untuk maelakukan, atau menghasut berlakunya mana-mana kesalahan terhadap akta ini boleh dihukum dengan hukuman yang sama seolah-olah dia telah melakukan kesalahan demikian.

Hukuman: Dihukum dengan hukuman yang sama seolah-olah dia telah melakukan kesalahan demikian.

BAB 195

Kesalahan: **Orang bukan Islam bersubahat dengan kesalahan BAB 172 dan 173**

Ceraian: Barangsiapa yang tidak beragama Islam, dengan sengaja menjual sebarang benda kepada seseorang yang beragama Islam, dan dari itu menyubahati suatu kesalahan bagi membeli dan menggunakan benda tersebut yang bertentangan dengan syarat-syarat dari BAB 172 atau 173, bdang kuasa mahkamah majistret.

Hukuman: Denda sebanyak \$400.00 atau kesalahan kedua atau berikutnya denda sebanyak \$800.00.

BAB 196

Kesalahan: **Orang bukan Islam bersubahat dengan kesalahan selain BAB 172**

Ceraian: Barangsiapa yang tidak beragama Islam yang menyubahati sesiapa saja yang mana pada pengetahuanya beragama Islam yang melakukan sebarang kesalahan terhadap akta ini, selain daripada kesalahan terhadap 172 daripadanya, adalah melakukan suatu kesalahan yang dalam bidang kuasa mahkamah majistret.